





唐大詔令集序

唐大詔令集者



先君宣獻公景祐中書第三

所纂也先公以文章名世更內外制



之選而朝廷典冊多以屬之及入陪宰政

仁宗數面命撰述於是有中宮冊文

三后不遷及條列兵農置睦親宅朝集院等詔機務之隙因哀唐之德音號令非常所出者彙之未次甲乙未為標識而昊天不弔梁木遽壞小子不肖大懼失墜祕其書於家楹者蓋有年矣僕射王文安公累以為問謂當垂世不朽乃緒正舊稿釐十三類總一百三十卷錄三卷文安見許序而名之未果而公薨治平二年

先皇帝簡拔孤陋實在西掖固欲澡雪蒙滯而鑽仰衆制方繕寫成編會忤權解職顧翰墨無所事第取唐大詔令目其集而弃藏之云

熙寧三年九月晦

右諫議大夫宋敏求謹序

唐大詔令集卷第一

帝王

即位冊文

太宗即位冊文

肅宗即位冊文

德宗即位冊文

順宗即位冊文

憲宗即位冊文

穆宗即位冊文

敬宗即位冊文

文宗即位冊文

宣宗即位冊文

懿宗即位冊文

哀宗即位冊文

太宗即位冊文



維武德九年歲次丙戌八月丙辰朔九日甲子云云夫天生蒸人樹以司牧三靈輔德百姓與能粵自夏殷傳業胤祚軌物長世罔不由茲朕膺靈命肇開寶曆聲教所覃無思不肆然而萬機填委九區輻湊明發不寢極夜觀書聽政勞神經謀損慮深思閑曠釋茲重負咨爾聰明神武實天生德人君之量爰備夙成王業初基雲雷伊始英謀獨斷祕策潛申及拓定關隴澄清河洛北通玄塞東靜青丘宏圖遐舉元功克茂氛霧廓清鯨鯢斯盡澤霑方外聲暢無垠惣統機衡百工以乂敷弘德四門允穆謳謌所屬宇宙宅心象緯告徵靈命斯在朕是用上稽蒼昊俯順黔黎推而弗居永垂顯號今傳皇帝位于爾躬命司空魏國公寂尚書左僕射宋國公瑀齊璽綬授爾其纂成洪緒對揚休命式隆寶祚以康四海

肅宗即位冊文

維天寶十五載歲次庚申七月壬午朔十二日甲子皇帝若曰咨尔元子某惟天惟大惟人君則之順乃德故舜禹揖讓而履皇極弗乃道故丹朱商均不能保鴻業是以啓有惠迪而夏嗣焉隋有亂紀而

唐受焉五聖之御極皆勤儉兢業日慎一日故能享祚長久垂慶無窮泊予大業恭位四紀馱于勤倦緬慕汾陽當保靜怡神思我烈祖玄元之道是用命尔元子某當位嗣統於戲尔有忠孝之誠極於君父尔有友愛之義信于兄弟尔有仁恕之行通于神明尔有戡難之才彰于兆庶予懋乃懿績嘉乃神武天之曆數在尔躬汝惟推誠禍亂將冀尔而能清汝惟從諫社稷將冀尔而復能寧佞言為瘋直言惟師任賢勿貳去邪勿疑民非后何戴后非賢罔與守邦欽哉慎乃有位無忝我祖宗之不烈

德宗即位冊文

維大曆十四年歲次己未五月辛丑朔二十三日癸亥皇帝若曰於戲昊天有命皇王受之位嫡以賢春秋之義傳之於子漢氏成規宗廟社稷實賴其慶咨尔皇太子适稟天地之仁含日月之耀道光三善孝著十倫頃者國步多艱委以我律理軍靖難保大定功克復帝圖廓清祚孽既表建之業俾承守器之重仁孝之德夙夜惟寅朕天命有終弗與弗寤非至公無以主天下非至德無以臨四海是用

命汝陟於元后嗣守皇業上繼宗祧下安群望是命門下侍郎同中書門下平章事常袞奉冊即皇帝位於戲宜遵太宗之法度肅宗之儉約任賢勿貳去邪勿疑與衆守邦祇劭予訓

順宗即位冊文

維貞元二十一年歲次乙酉正月辛未朔二十三日癸巳皇帝若曰於戲天下之大實惟重器祖宗之業允屬元良咨尔皇太子誦虞哲溫恭寬仁慈惠文武之道稟自生知孝友之誠發于天性自膺上嗣毓德春闈恪慎于厥躬祇勤于大訓必能誕敷至化安勸庶邦朕寢疾弥留弗與弗瘳是用命尔繼統俾紹前烈宜陟元后永綏兆人宜命中書侍郎同中書門下平章事高郢奉冊即皇帝位尔惟奉若天道以康四海楙建皇極以熙庶工無忝我高祖太宗之休烈

憲宗即位冊文

維永貞元年歲次乙酉八月乙酉朔九日乙巳太上皇若曰咨尔皇太子純惟皇上帝降休于我家用集大命克綏厥猷惟后祇率大典茲惟難哉朕承累聖休德膺守邦之重不蒙天祐降疾在躬上不能

昭事郊丘祇見烈祖下不能臨視庶政保綏兆人是用命尔當位嗣統宜陟元后代予憂勤今遣使檢校司徒平章事杜佑副使門下侍郎平章事杜黃裳持節冊命於戲尔有光大之德敷于万邦尔有仁孝之誠刑于九族慈和寬簡克饗天心玄符不可以固違明命不可以不畏尔惟察納忠直于惠困窮咨予正言慎乃儉德臨庶官以信安庶獄以情允執其中無忝我祖宗之不訓

穆宗即位冊文

維元和十五年歲次庚子閏七月甲辰朔三日庚午皇帝若曰於戲上天降鑒保佑于我國家十聖丕承光宅四海鴻休大業以逮予一人嚴恭祇畏懼弗克荷賴宗社垂慶生靈乂安今朕寢疾弥留弗與弗瘳神器所付屬之元良咨尔皇太子恒孝友聰明溫文睿哲自主七聖日新厥德必能績予勤志綏靖万邦是用命尔陟于元后宜令中書門下侍郎平章事令狐楚奉勅即皇帝位楙建皇極無忝我祖宗之休烈

劄宗即位冊文

維長慶四年歲次甲辰正月辛亥朔二十六日庚子皇帝若曰惟天  
輔唐德我祖宗克答天意邁德勤道紹休大業洎予一人嗣守四海  
祇事天地愛育萬類罔或怠惰于茲五年今寢疾弥留不興不寤獲  
以重器付之元良咨尔皇太子湛烈祖儲慶自天生德孝友慈惠温  
良劬恭必能輯寧家邦輝光緒業是用命尔陟于元后宜令中書侍  
郎平章事牛僧孺奉册即皇帝位尔有廣厚之量可以奉天地尔有  
孝敬之志可以事神祇和惠可以撫萬邦仁愛可以親九族任賢尚  
德遠佞去邪尔惟欽承無忝我祖宗之休烈

文宗即位册文

維寶曆二年歲次景午十二月甲午朔十二日乙巳太皇太后若曰  
大行皇帝睿哲英靈對天明命方夏底績夷蠻貢庭罔有不端大康  
有截宜荷九廟之重永享億年之祿豈虞姦祚竊發矯專神器蠱惑  
中外扇誘群萌駭動神人豐深梟獍咨尔江王某聰哲孕粹清明毓  
和智筭機開玄謀電發躬率義勇大清亮徒且膺當辟之符爰據枕  
戈之憤既殲巨害當享豐福是用命尔陟于元后宜令司空平章事

裴度奉册即皇帝位永惟高祖太宗之剪定隋亂玄宗之浸漬利降  
憲宗之監拔蠹孽艱難險阻勛乃負荷小心以事上帝儉德以刑家  
邦懋於令聞持久如始劬之哉

宣宗即位册文

維會昌六年歲次丙寅三月壬寅朔二十六日丁卯皇帝若曰惟玄  
穹降祚啓我唐運奕葉重輝赫羲方纂承列聖顧懷敷佑冲昧獲  
大寶君臨兆人懼不能任夙夜兢厲祇事九廟于今七年實賴宗社  
之靈台衮之輔忠良畢力内外叶心北剪山戎東殲孽豎不失傳付  
之業方期仁壽之寧屬頤護或虧寒暑致恙禱神餌菜有加無瘳乃  
親賢面委家國皇太叔權勾當軍國政事忱温慈睿哲孝友端明蘊  
東平為善之心尚河間好學之志必能燾煦天下穆清大中於戲惟  
劬惟和克敏克寬斥去奇邪親任仁人是用中陟元后宜令某官奉  
册即皇帝位欽若天道緝熙帝圖懋哉戒哉無

懿宗即位册文

維大中十三年歲次己卯八月甲申朔十三日丙申皇帝若曰眷彼

群生必有司牧續承丕構允屬元良故命嗣惟賢立長則順夏禹惟公於聖子漢文終守其成規茲乃方國攸同百王不易之道也朕以菲薄獲奉宗祧十有四年未臻至理惟天示譴降疾于躬藥石無功弥留斯迫曆數云在天命有歸咨尔皇太子朕之元子幼有聖資孝劭温文弘博慎敏禀天地之仁含日月之貞明承訓嚮方秉禮抱義是用命尔陟于元后宜令攝中書令中書侍郎兼禮部尚書平章事蕭朗奉冊即皇帝位邦家以寧統緒以正惟嚴恭祇畏可以事天地惟寬明睿哲可以御臣下惟慈惠欽和可以撫黎庶惟道罔拂惟賢必親實尔生知豈竝訓誨著于典冊文事無詞懋昭耿光紹休前駕嗚呼劭之嗚呼戒之

哀宗即位冊文

維天祐元年歲次甲子八月壬辰朔十五日丙午皇后若曰高祖太宗撥亂反正奄有天下垂三百年重熙累聖莫不功光祖業克紹丕圖予遭家不造變起宮中雖號慟期至于終天而負荷寔先於立嗣咨尔皇太子監國事天資岐嶷神授英明孝比東平之蒼學富陳留

之植恭謙守政和順稱仁友爱聞於弟兄令譽播於區宇比則隆元帥深暢戎機今廼位儲宮益歸群望是用爰循舊典上纂鴻基既允集於天人當欽承於宗社宜即皇帝位於戲万機不可以久曠四海不可以乏君膺紹寶圖光踐皇極節儉以勵戎夏文德以戢干戈無怠無荒克慈克弟永保厥躬用揚祖宗之丕緝休命可不劭哉

唐大詔令集卷第二

帝王

即位赦上

神堯即位赦

太宗即位赦

中宗即位赦

睿宗即位赦

明宗即位赦

肅宗即位赦

代宗即位赦

順宗即位赦

穆宗即位赦

敬宗即位○優賜諸軍詔

神堯即位○赦詔曰舜禹殊時禪代存乎揖讓殷周異世革命事乎干戈至於據龍圖握鳳紀統御皇極撫黎民奄有四方朝宗萬國垂



法作訓其揆一焉朕以寡薄屬彼流季大業末年網維廢弛三光改耀九服  
移心既戡定時難緝和庶績一匡海內再造黎元隋世以天祿永終曆數攸在  
劬禪厥位授于朕躬願惟慙德屬當景運懼甚履冰慄乎御朽上蒼蒼  
靈之睠俯順億兆之心寶曆初基溥天同慶宜布茲寬惠咸與惟新可大  
赦天下改隋義寧二年為武德元年自五月二十日昧爽以前罪無輕  
重已發露未發露皆赦除之子殺父奴殺主不在赦限有官及庶人賜  
爵一級義師所行之處給復三年自餘給復一年孝子順孫義夫節  
婦旌表門閭孝悌力田鰥寡孤獨量加賑恤

### 太宗即位赦

詔曰惟天惟大七政所以授時惟辟奉天三才於是育物故能弥綸宇宙  
經緯乾坤大庇生民聞揚洪烈我大唐誕膺嘉運載協休期不受龍圖肇  
開鳳紀太上皇狗齊作聖叡哲欽明奄有八荒光宅四表宇籠軒昊躡跨  
殷周金鏡俯臨玉燭遐被然而至德弗宰成功不居高謝万邦委茲重器  
郊禋曠禮士民翹屬欽惟宗稷義存享獻朕以寡昧寔膺統緒辭不  
獲免式纂洪業靈命既臻是昇寶位君臨兆庶繼軌百王若涉大

川罔知攸濟方咨令哲共康至道今紹祚伊始奉答天休思俾惠澤  
被于黎獻可大赦天下自武德九年八月九日昧爽已前罪無輕重  
已發覺未發覺囚徒繫者悉從原免武德元年以來流配者亦並放  
還凡厥庶寮進爵一級其五品以上先無爵邑者開國男六品以下  
各加一轉閩內及蒲芮虞秦陝鼎六州免二年租調自餘率土普給  
復一年年八十以上各賜米二石綿帛五段百餘以上各賜米四石  
綿帛十段仍加板授以旌尚齒鰥寡孤獨不自存者量事優卹其有  
至孝純著達於鄉黨徵詣闕庭厚加褒擢節義之人貞順之婦州閭  
列旌表門閭高年碩學直言正諫所在長官隨狀薦舉七命  
山澤挾藏軍器百日不首復罪如初以赦前事告言者以其罪  
罪之

### 中宗即位赦

門下天地盈虛四時有消息之度皇王興替五運有遷革之期稱號  
斯殊驪駮亦異受明命者罔不由茲我大唐高祖神堯皇帝聖期  
首出天與神器有大功於區夏有大造於生靈太宗文武聖皇帝

道則繼明業推構極類商湯之起亳若姬發之承周殫歷九皇  
宰籠万古高宗天皇大帝上聖御函大明司契手調元氣心運洪鑪  
齊五緯而平太階應三神而登日觀網羅開闢包冠義脊大猷備闡  
能事斯畢僊駕不追逆臣開疊勦業挺災於淮甸務抵潛應於沙場  
天柱將搖地維方撓非撥亂之神功不能定人之危矣則天大聖皇  
帝曹聰成德潛哲應期用初九之英謨開太一之宏略振玉鈴而殪  
封豕授金鉞而斬長鯨受河洛之圖書當昊義之曆數惠育黎獻並登  
仁壽既而凝懷問道屬想無為以大寶為勞生遂忝明辟且有後命俾  
承先緒光啟大唐之國用崇興復之基交際在辰情深感慰奉高祖  
之祖廟遵太宗之社稷不失舊物寔在于茲業既惟新事宜更始可  
改大周為唐社稷宗廟陵寢郊祀禮樂行運旗幟服色天地等字  
臺閣官名一事已上並依永淳已前故事其神都依舊為東都北都  
依舊為并州大都督府永昌來庭兩縣並從廢省其百姓依舊分屬  
河南洛陽兩縣周朝宗廟陵寢及官宜令所司商量處分朕之遠系  
出自老君靈祐所資貽慶長久宜依舊上尊号為玄元皇帝有司

量才固須

差使冊告天下村落佛堂並令開門洒掃不得因茲聚斂創加脩葺  
庠序之規風教之首京都兩學尚且闕修欲令四方何以取則其京  
都學館及先聖廟堂所有破壞未營造者逐要修葺速令畢功仍不  
得浪有勞。樂府之設國風所繫豈惟易俗抑乃和神至若絲竹繁  
声倡優雜伎深乖禮則並宜量事減省國之禮儀已經改撰隨時逐  
變務在弘通宜令禮官重加詳審於行事有不便者即復損益制勅  
刪定處分已久宜從易簡務速施行設官固須量才稱職比來委任  
稍乖乖方遂使鞠獄推囚不專法寺撰文修史豈任秘書營造無取  
於作一旬勘罕從於比部多差別使又着判官在於本司便是曠位  
並須循名責實不得越守侵官皇家親屬籍沒者則天大聖皇帝雖  
已溥暢鴻恩其先有任五品已上官枉遭陷害者並宜改葬者式遵  
典禮若有後嗣還其資蔭其別勅安置并左貶者亦復其屬籍量還  
官爵仍遣諸流移人除犯賊賄及畜蠱毒造偽避罪及逆緣坐勘會  
不免者餘並放還天下軍鎮不要者多轉輸艱辛府庫虛耗事須改  
弊不可循常宜簡內外官人有材識者分為充使巡邊按覆須留鎮

遇及應減一事已上並委使人共所管詳度還日具利害聞奏其應  
支兵先取當土及側近人仍隨地配割分州定數年滿差替各出本  
州永為格例不得踰越五品以上致任曾伏事先朝者賜爵一級曾  
任州府幕府及任洛州牧日官人並勘責聞奏經任東宮官僚見任  
六品官計階應入五品者特宜不拘年限餘依常例三衛細引主帥  
直司行署蕃官七絕等通前各減二年勞考滿者各加勳一轉合得  
官日稍與處分中書門下官人計階考入五品者優量與蕃官准羽  
林例處分直省及外司官典二十二日誅賊之時緣祇承在中書省  
者各賜勳一轉諸司有品直宜加一階無品直司賜勳一轉禮官緣  
即位修執儀注者各賜物二十段正月當番三衛監門等於武成衛  
內明福門外南衙及諸門者賜物十段左右羽林及東宮北門厨供  
膳及匠准例各賜物十段正月量追三衛細引監門細引直長飛騎  
雜伎飛騎各賜物十段東宮北門官及三衛細引主帥直司行署蕃  
官七絕等例攻夫多少奏聞其引玉冊及舉冊讀冊等官人各賜物  
五十段授冊使人賜物一百段書冊人各賜物十段其舉腰舉官人

賜物二十段飛騎各賜物十五段其舉香燈三衛及舉寶人各賜二  
十段頃者戶口逃亡良由差科繁劇非軍國切要者並量事停減若  
要和市和雇先依時價付錢自非省支勒索不得輒有進送諸貢物  
皆須任土當處無者不得別求仍於常數每事量減緣百姓間所有  
不穩便者並委州府其狀奏聞朕當親覽即為釐革天下百姓並免  
今年租及地稅自今以後租庸准符配定更不須徵折脚價錢其已  
前未徵得者亦即免放天下宗姓並准舊式房州百姓宜給復三年  
其諸司官員并雜色後掌閑幕士門僕之徒兼音声之人及丁匠等  
非灼然要籍並量事減省所司速為條制廐馬教多皆須秣飼食人  
之粟費茲深殿中諸閑廐馬量支留以外抽送外州馬坊及本監牧  
其東宮諸王公主等馬應官供者亦令隨事減省奢淫伎巧寔為蠹  
弊皆因節日宗屬婚親王公妃主竟相賀遺或造珍麗妾為進奉帛  
綵異飾雕鏤奇文假撰樓臺偽裝禽獸諸如此類深是害時宜明勅  
格嚴加禁斷衣服采章一准令式夫郅纓齊服上且變俗風朕率先  
百僚必期化成兆庶東都正月當上番兵年至五十五即放出前赦

及今制處分有不盡者並令所司類例續奏布告遐邇咸使知聞主  
者施行神龍元年二月五日

睿宗即位赦

門下朕聞自古帝王光膺圖籙則尊尊親親之義著于典冊朕諒在至  
公蓋非獲已我大唐乘時撫運累聖重光當四海之樂推受三靈之  
眷命大行皇帝奄弃寓跡痛結仇讎朕志掃巨逆保寧嗣主今皇帝  
哀莞在疚託于朕躬勲懇再三願成茲意朕以不德猥承丕緒念今  
追昔載感于懷若涉大川罔知攸濟思荷宗祧之業屬此惟新式揚  
渙汗之恩與之更始可大赦天下

明皇即位赦

朕承累聖之鴻源荷重光之積慶昔因多難時屬構屯寶位深墮地  
之危神器有綴旒之懼事殷家國義感人祇吟嘯風雲襲行雷電致  
君親於克舜濟黔首於休和遂以孟侯允昇儲貳旋承內禪繼躋宸  
居拜手之請空勤讓王之誠莫展恭臨億兆二載于茲上稟聖謨下  
凝庶績大荒同軌瀛海無波不謂姦慝潛謀蕭牆竊發逆賊竇懷貞

等並以庸妄擢齒朝廷毫髮之效未申丘山之壘仍積共成梟獍將  
肆姦回太上皇聖斷宏通英謀獨運命朕率岐王範薛王業等躬事  
誅鋤齊斧一麾凶渠盡殪太陽朗耀闢氛靄於天衢高風順時屬肅  
殺於秋序人靈叶贊夷夏相歡四族之慝既清七百之祚方永爰承  
後命載闡休明惣軍國之大猷施雲雨之鴻澤爰勅之道既光被於  
無垠作解之恩思式覃於品物當與億兆同此惟新可大赦天下本  
辟罪已下咸赦除之卯王守禮加實封三百戶宋王成器申王成義  
各加實封一千戶岐王範薛王業各加一階內外官人被諸道按察  
使及御史所通惡狀咸依宜洗滌選日依資叙用

肅宗即位赦

先天二年七月

朕聞聖人畏天命帝者奉天時知宣靈眷命不敢違而去之知曆數  
有歸不獲已而當之在昔帝王靡不由斯而天下也乃者羯胡亂常  
京闕失守天未悔禍群兇尚扇聖皇久馱大位思傳眇身軍興之初  
已有成命予恐不德罔敢祇承今群公卿士僉曰孝莫大於繼德功  
莫大於中興朕所以治兵朔陸將殄逆寇務以大者本其孝乎庶同

兆庶之心訥順群臣之請乃以七月癸丑朔十二日甲子即皇帝位於靈州敬崇徽号上尊聖皇曰上皇天帝所司擇日昭告于上帝朕以薄德謬當重任既荷承天之禮宜覃率土之澤可大赦天下改元曰至德大辟罪已下常赦所不免者咸赦除之其逆賊李林甫王鉞楊國忠近親合累者不在免限百姓官吏能率親屬去逆歸順有官加優獎斬得逆賊父子不問首從當錫茅土別有褒崇其有直言極諫才堪牧宰文詞博達武藝絕倫孝悌力田沉淪草澤委所在長官聞薦詣闕自陳者亦聽東官官屬既會昌期合承寵命量加改轉諸色勾微逋懸調及官錢在百姓腹內並宜放免靈州改為靈武大都督府上縣為望中縣為上官寮等一切便授天下耆壽各賜物五段侍老板授太守縣令有差各賜物五段天下諸道百姓本道採訪使差郡縣官存問四方將士各賜馬一匹六品以下賜物十段天下寺觀各度七人太守並限三考然後轉御史取曾任郡縣裡人官者然可薦用所以彈奏一依貞觀故事官吏犯枉法賊終身勿齒自古聖帝明王列士五岳四瀆名山大川並令所在致祭孝子順孫義夫節婦旌表門閭内外文武官九品以上各加兩階賜勳兩轉三品以上賜爵一級

### 代宗即位赦

高宗嗣興諒陰成受終之禮康王承統翌日奉顧命之書况方事尚殷蕭牆有豐蒼生佇理社稷謀安教雖達於逋喪禮有變於金革順人聽政俛俛從權朕頃侍奎輿率彼西夏佐成草昧俾掌戎車國步艱難睿圖廣運再清寓縣宗復宗社稟成命以受律敢貪天以為功聖慈弘深冊踐明兩奉 廷訓敢有怠違嗚呼不吊昊天殃咎荐至皇祖之哀未釋窮崩之罰奄鍾攀號罔極若無天地誓終喪紀企及前王百辟抑予俾恭遺訓俯遂眾望嗣膺丕烈欽茲大寶懼不勝任若蹈春冰如集喬木日者先聖哀損朕在問安而闕牆構災凌長成禍閭闈作孽子闇寺滔天職為亂階潛置巫蠱將行竊弄覆我邦家賴良弼 戴瓜牙同德天道助順神理害盈昭此共工之心終貽管蔡之辱舍彼有罪咸伏其辜廢于離宮寘於城頽今天衢雖泰率土未康式協公卿之心仰遵易月之命奉時期在先甲未孚宜允人神覃

茲渙汗可大赦天下自寶應元年五月十九日昧爽已前大辟罪已下已發覺未發覺已結正未結正繫囚見徒常赦所不免者罪無輕重咸赦除自開元已來所有諸色犯累者並宜雪免在降官并諸流人及罰鎮効力配軍團練等一切即放還其中有見任刺史縣令及正員者並依本任其四月十五日已後諸色流貶者與量移近處逆賊史朝議已下有能投降及率眾歸附者當超與封賞天下禁囚不得過五月斯有推劾不得分外拷掠亦不得信支證便結罪名諸色文武官應在凌霄門內謁見者并飛龍射生等並宜以寶應功臣為名諸州刺史與一宗官吏縣令人五品減兩考内外文武官三品以上賜爵一級四品以下各加一階諸州刺史父母在無官者與致仕官及母邑親已亡死者追贈諸州防禦使並停天下子為父者各賜勲一轉州縣官今自己後宜令三考一替太官饗膳等特宜減省有涉奢侈一切宜停天下百姓逋租懸調貸糧種子諸色欠負官物一切放免開元乾等錢並宜准一文用不須計以虛數益昌郡王邈進封鄭王延慶郡王迥進封韓王故庶人皇后王氏故庶人太子

瑛鄂王瑤光王瑒宜並復封棣王琰永王璘及應安祿山誣誤人及狀等並宜昭雪益昌王追封齊王崇恩王追封衛王靈昌王追封王其有明於政理博綜典墳文可經邦謀能制勝及孝悌力田諸州刺史並宜搜揚聞薦投匭者不須勘以停處姓名務招直言以副朕意

### 順宗即位赦

朕纂承天序嗣守鴻業以不敏不明託于萬國兆人之上永惟高祖太宗肇造區夏列聖休德洽于人心肆惟寡昧膺受多福大懼不克負荷為宗廟羞若涉大水罔知攸濟思與群公卿士方伯連帥祗若不訓惟懷永圖內熙庶績外弘化以弼予理臻于大中俾懷生之類各遂其性咸得自新遵迎休和蕩滌瑕累可大赦天下自貞元二十一年二月二十四日昧爽已前大辟罪已下罪無輕重已發覺未發已結正未結正囚繫見徒常赦所不原者咸赦除之左降官量移近處如復資者任依常調選如有親故在上都任於所司陳狀便與分別勅責降資正員官者亦與進改亡官失爵於歸不量加收叙

流人放還僧尼道士移隸者罪人已亡歿家口未許歸者一切放歸如自情願住者勿抑令歸如先有勅亡縱逢恩赦不在放還限者及別勅安置者並宜放還其安置人五品已上待進正左降官及流人亡歿有官者各還本官今日已前痕累禁錮及反逆緣坐者一切並與洗滌應緣山陵制度及喪儀禮物博詢可否務遵禮度必誠必信副朕哀懷橋道置頓並以内庫錢充諸有費用先給功價仍以見錢及不折物不得輒令科配天下百姓應欠貞元二十一年二月三十日已前榷酒及兩稅錢物諸色逋懸一物已上一切放免京畿諸縣用應今年秋夏青苗錢並宜放免天下諸州府應湏未役車牛馱馬腳價之類並以兩稅錢自備不得別有科配仍並以兩稅元勅處分仍永為恒式不得擅有諸色榷稅常貢外不得別進物錢金銀器皿奇綾異錦彫文刻鏤之類若已發在路者並納左藏庫清淨者理國之本恭儉者修己之端朕臨御万邦方弘此道苟可濟物予何愛焉宮掖之中宜先省約其後宮細人弟子音声人等並宜放歸親族應緣宮市並出正文帖仍依時價買賣不得侵擾百姓所緣諸宮要妳母

並取食糧戶色充不得科配寺觀諸軍先擒吐蕃生口配在諸處者宜資給還本國天下官吏應行鞭撻本罪不至死者假以責情致令殞斃每念於此良增惻然宜切加察訪内外文武見任及致仕官并諸道將士等賜爵加賜勳有差二王三恪褒聖侯各與一子官大長公主嗣王等各與一子官及出身有差宗子中有才用者委宗正卿以名聞量才叙用皇五等已上親賜爵加階有差倍位者年十五已上並放身武德以來配饗功臣張巡許遠南霽雲顏杲卿顏真卿等子孫中各與一人正員官故尚父子儀贈太師晟太尉秀實子孫中各與一人正員五品官及諸州府長官及京常參官父見在未官者並與五品致仕官階父歿母存者與邑号父母亡歿量與追贈陝州元從寶應功臣與元從奉天定難功臣賜爵勳有差亡歿者與追贈中書門下節度使東都留守度支鹽錢寺使京兆尹觀察招討等使及神策神威金吾六軍將軍大將軍英武威遠鎮國軍使隴右經略軍使節度留後各與一子官有差其神策神威六軍英武軍等使並與加官神策神威六軍英武威遠營左右金吾及皇城將士及

御樓立仗將士等賜物及爵階有差應東宮官及侍書授在正月二十六日以前者國哀已來職掌行事及冊命官受顧命撰制誥官等賜爵加階勳進改有差蕃客等共賜物三千八百四十五匹立仗將任等量加改轉內侍省及內坊官正諸道進奏院及奏事官賜爵勳階有差內外五品已上文官及臺省常參官宜至四考滿與改轉中外通遷量才叙用其中政績尤異須甄升者不在此限常參官及諸州刺史有先得替及假百日經喪去官未授官者並即與進百司及在城諸使息利本錢徵放多年積成深弊內外官料錢職田等厚薄不均兩稅及諸色權稅錢物重輕須有損益並宜委中書門下與所司商量具利害條件以聞不得擅開糴禁錢務令通濟諸色人中有才識兼茂明於臤用者經術精深可為師法者達於吏理可使從政者宜委常參官各舉所知其在外者長吏精加訪擇具以名聞仍優禮發遣朕當詢事考言審其才實如無人論薦者即任自詣闕庭內外官及諸色人任上封事極言時政得失才有可觀別當甄獎百姓九十以上板授及賜各有差仍令官吏就家存問順孫孝子義夫節

婦旌表門閭重加優恤

穆宗即位赦

著大明者日也出乎震而見乎离則八紘開朗万象昭煥。大号者風也發厚地而鼓群動則氛蒙盪滌鬱伏舒散王者如日之照臨故聖功作而庶類覩如風之号令故德音降而兆人從朕以寡薄方茲法象荷天地之眷祐承宗祧之祚運夙夜祇勵懼不克周永惟風教之流弊毗俗之疾苦思布濟時之政宜弘利物之澤庶有以導迎和氣感致歡心宜申在宥之恩用啟自新之路可大赦天下自元和十五年二月五日昧爽已前大辟罪已下罪無輕重咸赦除之唯官典犯賊及故殺人者不在免限左降官量移近處已經量移者更與量移如復資者即任依常調選責投降資正員官者亦與追改亡官失爵不蓋者量加叙流人及僧尼道士移隸者節級放還及移近處諸色得罪人中如有先勅云縱逢恩赦不在還放限者並與量移若魯五品已上官者奏特進止左降官及流人先有官者如已亡歿各還本官自今日已前曾有痕累禁錮身等一切並與洗滌永懷罔極



弓劍不留。奉終天用深哀感。應緣山陵制度及喪儀禮物。宜委中書門下及諸司長官等博詢故實。務遵禮度。必誠必信。副朕哀懷。所緣山陵造作及橋道置頓所須。並以内庫錢充。不得輒令科配百姓。度支諸州府監院從貞元年已後。至元和十年已前。共計欠錢壹百萬伍阡玖百餘貫。鹽鐵使諸監院應欠元和十三年已前。錢物除准前制。踈理外。共計壹百捌萬捌阡陸百餘貫。石等戶部諸州府從建中三年已後。至元和十三年已前。應欠在州貧窮并遭水旱。逃亡百姓腹內。兼連接淮西河南賊界。并燒劫散失。及貸百姓錢物伍拾萬玖百餘貫。石等京兆府從元和五年已後。至十三年已前。應欠諸色物共肆拾壹萬玖阡陸百餘貫。石。東等州府監院百姓欠負。但不在官典所由腹內者。一切放免。諸州府除京兆河南府外。應有官庄宅鋪店碾磑茶菜園監畦車坊等。宜割屬所管州府。諸道除邊軍營田處。其軍糧既出。正稅米分給其所管營田。自為軍中。如要營田。任取食糧。健兒不得輒妄。招召天下百姓等。自屬艱難。弃其鄉井。戶部板籍虛繫姓名。建中元年已來。改革舊制。悉歸西漢。稅法欠則姦

弊濫生。自今已後。宜准例三年一定。兩稅非論土著俗居。但據資產。差率其擇。刺史縣令。宜委門下中書尚書省御史臺官有所諳知。即具聞奏。如賊污殘人。當坐舉主。權稅之法。雖合同。遵瘡痍之餘。欲寬假其河北。鹽宜委度支與權鹽使。審細商量。具條流聞。奏内外百官食料錢一倍至五倍以上。節級放免。仍每經十年。即内外百司各賜錢壹萬貫。充本各據司額大小。公事閑劇。及當司貧富。作等第。給付應諸屬。諸使諸司人等。在村鄉及坊市店鋪。經紀者。宜與百姓一例。差科不得妄有影占。如有違越。所司具所屬司存。并人名聞。奏如聞度支鹽鐵監院等。所在影占。當商高戶。庇入院司。不伏州縣。差科疲人。偏苦事轉不躋。如有此色。仰當日勒歸州縣。諸道除正勅率稅外。不得妄託進奉。擅有諸色。權率天下州府。除兩稅合送上都錢物。及所司常貢外。輒不得別進物錢。并方鎮得替後。至城亦不得輒有進獻。掖庭籍沒罪人妻女等。宜放親族。其諸軍先擒獲吐蕃生口。配在諸處者。並放歸本國。願住者。亦聽内外文武見任。致仕官三品已上。賜爵一級。四品已上加一階。諸軍將士等。普恩之外。賜階爵。有差

二王三恪文宣王及公主縣主嗣王節級賜與一子官及出身宗子  
有才行者悉以名聞奏仍委中書門下量才叙用皇。五等已上親  
皇太后二等已上親並賜階爵武德已來配饗及第一等功臣并張  
巡許遠南霽雲顏杲卿顏真卿等尚父子儀贈太師晟贈太尉秀實  
子孫中與一子官有差其中有才行堪在臺省者量才叙用中書門  
下并諸道節度使諸州府長官東都留守及京常參官諸軍使等父  
母祖父祖母並節級與追贈父母存者與官封已經追贈者更與改  
贈興元奉天功臣及蔡鄆立功將士普恩之外更賜勳爵亡歿者與  
中書中書門下及節度等使東都留守度支鹽鐵使京兆尹諸軍使  
等賜一子官有差在城諸軍將使節級賞賜仍加階爵京西京北及  
振武天德八道節度及都防禦使下神策一十二鎮將士等共一十  
八万六千七百餘人都賜物一百八万一千八百餘匹東宮官及侍  
讀普恩之外賜爵加階仍並與進改自國哀及行事命職事官普恩  
之外階爵及勳具受頒命撰制詔及冊文并寫制詔官等特加一階  
賜爵一級并賜上柱國優與進改書冊官特加一階尊親之禮既展

於徽章廣愛之恩宜申其慶賜皇太后諸親委中書門下量第等節  
級優賞文武常參官及外官職事五品已上有母者並加邑号如已  
至郡太夫人國太夫人者許迴授周親緣皇太后冊禮職事官並節  
級賜物天下百姓有父母高年者賜粟皇城內蕃客等並節級賜物  
今年正月二十八日至閏正月三日宮苑諸門<sub>守</sub>捉西內立仗將士  
等量加改轉應內侍省及內坊官正等並賜勳爵常參官及諸州刺  
史少尹赤令有先得替者因病假滿百日解官并終制未授官者及  
致仕官並與進擬天下諸道州不得擅有閉糴禁錢務令通濟內外  
文武官及諸色人等任上封事極言時政得失才有可觀別當甄獎  
應流外色役人等賜勳有差

勅宗即位優賜諸軍詔

朕以寡昧祇膺寶位載懷悼懼豈可克堪而羽衛爪牙禁營司旅畫  
巡夜警叶力悉心自始銜哀至於踐祚忠勤匪懈誠節用彰將因錫  
賚務欲豐厚屬頻年旱歉御府空虚如聞邊上將士至今未給衣賜  
永言軫慮深切寤懷露血之時所期均濟兩軍官健各宜賜絹十匹錢

十千畿內諸鎮各賜絹十匹錢伍千軍吏及城內諸軍賞物節級有等仍於內庫更出綾絹共二百万匹付度支充邊軍春衣并天下州府賦稅如要蠲放者並委所司約此數均融取濟凡百將士宜悉朕懷長慶四年正月

唐大詔令集卷第二

唐大詔令集卷第三

帝王

即位赦下

武宗即位赦

宣宗即位赦

懿宗即位赦

改元上

改元正觀詔

改元總章詔

改元弘道詔

改元光宅詔

武宗即位赦

朕粵自蕃邇來握乾符銜哀授道當宁興感永惟我高祖太宗艱難創業真後列聖奕葉重光英睿相繼泉于先帝秉文之德光闡皇猷將洽理平甫臻仁壽願予 冲昧叨承大統祇命若臨於泉谷思理

未詳於政刑空懷濟物之心將續已成之業所尚者樸儉所寶者忠良肆青法開網之仁厚生敷流澤之惠上憑靈祉下便物情期中外以叶心冀遐迩而咸乂爰遵典訓特霽鴻恩諒表政於維新敢忘爰於馭朽可大赦天下自開成五年二月八日昧爽已前大辟罪已下罪無輕重咸赦除之唯十惡叛逆故殺人官典犯賊不在此限

### 宣宗即位赦

天分四時必始發生之德帝臨九有是光蕩滌之恩故雷雨作而萬物滋榮慶澤行而兆人悅服皇王之典今古所遵朕以眇身獲纂丕業上承宗社之眷祐下繫生靈之安危夙夜祇勤庶臻于理永惟黎元之困賦役之繁干戈未寧輸發尚急流移未復寃滯猶多刑獄未平姦詐斯起進獻無度淫巧競生思以蠲俾從開春將以導迎和氣咸致歡心爰因大慶之晨式舉惟新之令可大赦天下會昌六年五月五日

### 懿宗即位赦

門下朕聞龍之騰天漢也則必乘風雲鼓雷電以濡六合君之踐大

寶也則必敷仁惠渙号令以 万方是以地不間於幽遐事罔許於輕重洪聖興而皇渥溥德音振而庶類蘇故德咎咸除枯沉盡起斯皆前代令典國朝成規委轡諒戒於惠姦凝 始懷於布澤顧予寡德嗣續丕圖夙夜乾競若俯泉谷永惟我高祖太宗之艱難締構又惟我烈聖之慈儉統承思所以克紹休明弘濟億兆剋毗俗之弊清理化之源啓祥導和應天順物致離心於率土和恭已以臨民爰申九宥之恩因洽惟新之慶可大赦天下自大中十三年十月九日昧爽以前大辟罪無輕重已發覺未發覺已結正未結正繫囚見徒常赦所不免者咸赦除之唯犯十惡叛逆及故殺人官典犯賊及持杖行劫並不在此限其故殺人者已傷未死生意欲殺傷偶得免者並同已殺人法處分又刑獄之內官吏用情推斷不平因成寃獄無問有賊無賊不在原免之限

### 改元上

### 改元正觀詔

詔曰朕遐觀方冊歷選前王大道既隱至公斯革莫不思樹風聲用

隆龜鼎。太皇膺籙受圖。功成治定。鄙聖人之餘事。顧天下而猶然。永  
言俗累高居。物表爰以大寶。俯授微躬。自肅奉神器。亟移仄律。屬三  
正在旦。万国來廷。長世之術。既弘。惟新之命。方始。體元居正。今則其  
時可改。武德十年為貞觀元年。

改元總章赦

朕以寡薄。忝承丕緒。奉二聖之遺訓。跨億兆以初臨。馭朽兢懷。推溝  
在念。而上玄垂祐。宗社降休。歲稔時和。人殷俗阜。車書混一。文軌大  
同。檢玉泥金。升中告禘。百蠻執贄。万国來庭。朝野懽娛。華夷胥悅。但  
為郊禋嚴配。未安太室。布政敷化。猶闕合宮。朕所以日昃忘疲。中宵  
輟寢。討論墳籍。錯綜群言。採三代之精微。探九皇之至蹟。斟酌前載。  
製造明堂。棟宇方圓之規。雖兼故實。度進陳俎之法。獨運財成。宣諸  
內外。博考詳求。度其短長。冀廣聞見。而鴻生碩儒。俱稱盡善。宜命有  
司。急及時赴。作務從折。中稱朕意焉。今陽和在辰。景風扇物。昆虫草  
木咸獲康寧。朕之百姓尚多勞止。恩覃澤與其更新。可大赦天下。改  
乾封二年為總章元年。大辟罪已下。皆赦除之。

朕庶臬

改元弘道詔

朕以寡昧。謬膺丕緒。未嘗孜孜訪道。戰戰臨人。馭懷朽。駕之危負。  
重積冰之懼。日慎一日。三十四載。於今矣。何則。足寒傷心。人勞傷國。  
下安即上逸。時弊即君憂。所以身處九重。而情周万姓。建本之懷。遽  
切抑末之念。踰深今。雖庶績已凝。淳源未洽。履素歸厚者。遂寂寥而  
靡聞。狗華趨利者。尚馳騫而不息。願以薄德。有謝移風。永暎群方。在  
予多愧。况朕之綿系。承<sup>華</sup>嗣<sup>元</sup>。遠叶先規。光宣道化。變率土於壽域。  
濟含生於福林。屬<sup>相</sup><sup>傳</sup>首載。勞寤寐所冀。內外寮案。各竭乃誠。俱崇  
簡質。舊染薄俗。咸與惟新。憑大道而開元。共普天而更始。宜申霽澤。  
廣被絃可。改永淳二年為弘道元年。大赦天下。前後責情。流人並放。  
還老人年百歲已上者。版授下州刺史。婦人版授郡君。九十已上者。  
版授上州司馬。婦人版授縣君。八十已上者。版授縣令。并婦節級量。  
賜粟帛。孝子順孫。義夫節婦。表其門閭。終身勿事。鰥寡。悞獨篤疾。不  
能自存者。量加賑給。仍天下諸州。置道士觀。上州三所。中州二所。下  
州一所。每觀各度七人。又比天后事。條深有益。於為政言。近而意遠。

事少而功多務令崇用式遵無怠見任內外官五品已上經四考及守五品經三考六品已上計滿三考政用清勤狀無私犯者各加二階  
改元光宅赦

鸞臺朕聞上皇建極躰元氣以育群生大聖承天法門陽而陶庶類與時舒卷叶三正而推移隨道汙隆應五鈐以通變故能宇籠宇宙埏埴人靈符景運而財成契休期以光宅昔有隋標季率土淪胥豺狼肆吞噬之災億兆被虔劉之酷高祖神堯皇帝披圖汾水仗鉞恭墟廓氛祲而安四維掃埃搶而清六合太宗文武聖皇帝負日月而膺運鼓雷霆之震威蕩海夷山功浹八荒之外救焚拯溺仁霑万域之表樂和禮洽天平地成茂績光於遂初鴻名冠於闕高宗天皇大帝雲房誕零虹渚降靈受綠錯之禎符應未緜之景命飛車乘毳臣軒頊之不臣沒羽浮金禹湯之未

開邊服遠更闡寓於先基

富貴寧人重增輝於前烈撫璇當宇調五氣於明堂考瑞升中朝百神於日觀茫、衆俗寧知履燾之恩蠢、庶萌孰辨陶甄之力固已千年啓旦三聖重光歷選前書無聞徃載豈謂道隆金鏡運迫鼎湖

方延翠渚之祥遽託白雲之駕以社稷之大任屬荒眇之微躬欽奉遺言載深悲懼遂以茲菲德開導嗣皇式綜萬幾載宣風化所賴王公卿士各竭廼誠若濟巨川實資舟楫然自恭臨朝序已積炎涼教靡致於移風道尚慙於變俗良以哀述在疚荼棘纏心陵廟未安匪皇專慮今者鳳京遙踐龍馭上升既因大禮之終宜更中區之始朕居臨赤縣求瘼之志每盈子育蒼生恤隱之懷鎮切唯欲勵精為政克已化人使宗社因北辰之安區寓致南風之泰以斯酬眷命用此報先恩冀上不負於尊靈下微申於至懇夫五行通用列代相承欲其德先遵所尚故夏以金運來驪而尚玄周以木行貴駢而尚赤將降母德欲子扶近者地不藏珍山無祕寶皇家上德勝氣弥彰宜從白賁之象以輔黃中之運自今以後旗幟皆從金色仍飾之以紫畫以雜文其應合改者所司詳依典故供奉帷幙咸用紫色自錄府衛所旗並改以皂八品已下舊服青者並改以碧其在京諸司文官職事五品已上清官并六品七品清官並每日入朝之時常服袴褶諸州縣長官在公衙亦唯此自餘官朔望朝參依舊其色皆依本品又

鎮星之在太微已歷年載著土精之美應表神祚之元符宜同成帝以時薦享又東都改為神都宮名太初但列署分司各因時而立號建官置職咸適事以標名而今曹僚之中稱謂多爽宜改尚書為文昌臺左僕射為文昌左相右僕射為文昌右相吏部尚書為天官尚書戶部尚書為地官尚書禮部尚書為春官尚書兵部尚書為夏官尚書刑部尚書為秋官尚書工部尚書為冬官尚書門下省改為鸞臺中書省改為鳳閣侍中改為納言中書令改為內史太常寺改為司為司 寺鴻臚寺改為司賓寺宗正寺改為司屬寺光祿寺改為司膳寺太府寺改為 寺太僕寺改為司僕寺衛尉寺改為司衛寺大理寺改為司刑寺農寺依舊左右衛亦依舊左右驍衛亦為左右武衛左右武衛為鷹揚衛左右威衛為左右豹韜衛左右領軍衛為左右玉鈐衛左右金吾衛依舊其餘曹司及官僚名未改者所司速制名奏聞又司隸之官監郡之職所以巡省風俗刺舉愆違今人物殷繁區寓遐曠而所在州縣未能澄肅可置右肅政衛史臺司其職負一准御史臺專知諸州按察其舊御史臺改左肅政御史臺

專知在京百司及監諸軍旅并出使其諸州錄事參軍宜依舊令在京五品已上清官每日章善顯福等門各一人待詔朕當親訪政道詳求得失又玄元帝者皇室之源韞道德而無為冠靈仙而不測業光祿妙仁覃庶品豈使胤見御宸居先母竟無尊位可上尊號曰先大太后宜於老君廟所敬立尊像以申誠薦又洛州界內所有帝王之陵及自古清直之臣忠廉之佐並令州縣就其塋域一申祭享又自武德已來元勳佐命或以忠鯁事主或以道德匡君非身有犯緣子孫絕封者前詔雖已處分或恐仍有闕遺宜降霈澤重申前命又往日先朝聖武蕩定遐方日月照臨咸為郡縣皆荷生成之惠無復遠近之殊朕矜撫之懷豈隔中外每念其殯嗣愍愴良深繼絕興亡寔惟本志各宜求其後胤立之以承享獻其諸都護漢官及鎮兵等並悉放還其營奉山陵使其鹵簿等並依別勅處分又兩京之所徭賦寔繁亦令所司作優量法使勞逸 所靈駕所涉千里斯遙在路黎萌莫不哀奉念其勞瘁情增感惻其緣供頓及山陵者並免今年課稅又比來諸道軍行叙勲多濫或端居不出以貨買勲真偽相蒙

深為巨蠹自今以後所司宜明為條例務令禁斷責成斯在可不勉  
歟如更有違必越法科處又比命放出宮女已降詔書然以在內多  
時咸悉願任但念其各有親屬豈可久致分離宜准前恩即今放出  
又隆平日久戶口滋多物務既煩欺隱斯衆其上州三万户已上大  
縣方戶已上各宜析出別置州縣唯雍洛二州不在此限又濟時之  
道求賢是務其官人及百姓等或器標瑚璉材堪棟幹或在職清慎  
或抱德幽棲或武藝馳聲或文藻流譽宜令京官九品已上諸州長  
官各舉一人咸以名薦務取得賢之實無貽濫吹之譏又前者有詔  
具述內外官僚備陳行事以申勸沮但恐百官在職尚有虧違今欲  
重降深恩更垂寬宥弃瑕錄用固責於前非滌罪論功必期於後善  
若又不悛已過重掛踈羅當使宥以嚴刑倍加其罰思與士庶共此  
惟新可大赦天下改文明元年為光宅元年自九月五日昧爽已前  
大辟罪已下罪無輕重已發覺未發覺已結正未結正繫囚見徒皆  
赦除之流人未達前所者放還其犯十惡官人枉法受財監臨主守  
自盜所監臨劫斃人故殺人謀殺人反逆緣坐并軍將臨戎挫威喪

律鎮遏失所虧損師徒及常赦所不免者並不在赦例亡官失爵量  
加收叙諸年八十以上各賜粟二石綿帛二段九十以上賜粟三石  
綿帛三段百歲已上賜粟五石綿帛五段並依舊例拔授孝子順孫  
義夫節婦咸表門閭鰥寡惇獨篤疾之徒不能自存者並加賑恤亡  
命山澤挾藏軍器百日不首復罪如初敢以赦前事相告言者以其  
罪罪之布告天下咸使聞知其詔書內事有未盡者仍令所司作條  
例處分



唐大詔令集卷第四

帝王

改元中

改元載初赦

改元開元赦

改元天寶赦

改元寶三年為載制

改元上元赦

去上元年号赦

改元永泰赦

改元大曆赦

改元載初赦

朕聞元皇纂曆則天地以裁規大聖握圖法陰陽以施化故能宇籠品類陶鑄生靈敷景運於林期闡宏基於光宅昔有隋夫馭率土分崩赤縣為未泰之場蒼生遇塗炭之酷我高祖神堯皇帝龍興汾晉鳳起寰區 泉鏡而安八荒剪鯨

鯢而清四海太宗文武聖皇帝膺昊穹之曆數鼓雷電之雄威服遠冠巢燧之前  
開邊越義農之際鴻名邁於三五茂績隆於往初高宗天皇大帝稟雷澤之禎符降  
天縱之神器湛恩所被匝軌坤覆載之卿至化所覃盡舟車所通之境撫璇丹極楫  
瑞蒼巖天平地成淳風啓千年之運樂和禮備寶祚隆三聖之基聰聰王猷無聞帝載  
朕以虛薄度奉睿圖業統不遑寢食幸穹昊貽祐宗社延祥河薦合天之符洛  
出永昌之錄時和歲稔遠肅迓安斯皆先德所延屢彰嘉既自恭臨億兆已積炎涼  
尚想移風未臻於至道願循菲德媿切於深衷思弘碩託之恩再闡混元之始夫以玄  
穹列象三辰所以麗天厚載含章五行於焉紀地易曰三五以變錯綜其教通其變遂成  
天下之文極其數遂定天下之象水火相變其卦為革彖曰天地革而四時成言五德  
更相主變革萬物改帝者改政施教明受之於天下定之於人者也仲尼曰其或繼周  
者雖百代可知蓋以文質相因法度相改故矣是以伏羲高陽有周皆以建子之月  
為正神農少昊陶唐有節皆以建丑之月為正軒轅高辛夏后漢氏皆以建寅  
之月為正後雖百代皆可知者以此雖遭過不同步驟殊致未有不表明軌物以章  
靈命之符者也我國家創業有意乎改正朔矣所未改者蓋有由焉高祖草創百  
度因循隋氏太宗締地經天日不暇給高宗嗣曆將弘丕訓改作之事屢發聖眷  
言猶在耳永懷無及自五帝續統三王馭宇或父子相承同躰異德或金木迭改應天  
順人故納麓登庸粵受終于文祖干戈革命必理歷於明時然則開元配永肇自陽  
來之旦統曆履端基于朔易之首孽萌發內氣律由中品物任而昭蘇生類蕩而敷  
華是知夏之人統不逮虜之地正虜之地正有 周之天統元命所苞寔在茲矣周文  
稽古制禮於成王之日漢高握德改元於武皇之代則知文物大備未遑於上葉損益  
之道諒屬於中平朕所以遵式禮經奉成先志令推三統之次國家得大統當以建  
子月為正考之群藝厥義命矣宜以永昌元年十月有一月為載初元年正月十有  
二月改臘月來年正月改為一月自載初元年正月一日子時已前大辟罪已下罪  
無輕重已發覺未發覺已結正未結正繫囚見徒皆赦除之其叛逆緣及子孫殺  
祖父母父母部曲客女奴婢殺主不在赦限其與勸業毬中并諸色毬諸及往還其  
魁首已伏誅其支黨事未發者並特得從原免不得更相言告內外見任文武九  
品已上職事官並賜古爵之級天下百歲已上老人板授下州刺史米粟五石帛  
十段九十已上板授上州司馬米粟四石帛七段八十已上板授縣令通懸調并丁  
夫雜匠衛士及有番弟等違番及逃走應陪番及徵課調者並特宜免放其欠  
負官物及盜詐三庫物並不赦限鰥寡孤獨篤疾等不能存立者量加賑恤孝子

順孫義夫節婦旌表門閭終身勿事天下百姓年二十一身為戶頭者各賜古爵之級女子百戶賜以牛酒明堂役功人未被恩及者付司即類例定等級奏聞十五日內使丁緣供明堂致死人其有未需勳賜者亦宜准例酬給今年麥不熟處及遭霜滂之處並量放庸課州縣好加檢校勿使飢饉新平軍差科百姓稍有辛苦亦宜量加優恤蠲其徭役所司類例處分供象州軍百姓銀辛處未得復者宜給復一年洛州軍穀徭役繁多代朔并忻等州行軍及諸州供明堂木及銅處所司各類例節級復皇親諸陪位未出身者量材處分已生出身者賜勳一轉富商大吏復過制喪葬奢侈損廢生業州縣相知捉搦兩京兼委金吾檢校天下百姓皆須嫁娶以時勿使外有曠夫內有寡女戰亡人格外贈勳兩轉迴授暮親子孤孀者州縣給糧安養征鎮人家口州縣存恤勸課所有家助其營種勿使外人侵欺仍令所司判定正禮樂刑定律令格式不便於時者內外官五品已上各舉所知九經文字集學士詳正單其訛舛亡官失爵量加叙錄長流入移別勅流入移貫人降授官人及後緣逆人用當及造罪過特處分者雖未至前所並不在赦限西府功臣及晉府子孫屈滯者量加叙叙所司奏聞亡命出澤挾藏軍器百日不首復罪如初敢以赦前事相告言者以其罪之率土之內賜酺三日赦書日行五百里朕又聞之人

必有名者所以吐情自紀尊事天人是故以甲以乙成湯為子孫之制有類有象申繡明德義之由朕今懷柔百神對揚上帝三靈眷祐方國來膺正名之典式敷行政之躅朕宜以明空為名自封演龍圖文開鳥跡万人以察有工以又所以弘敷政道宣明禮樂指事會意改易異塗轉注像形屈伸殊制周官博雅史籀興古篆之文厄父温良丘明述春秋之傳自諸侯力爭姬室浸微離為二周分成七國法律異令田疇異畝言語異声冠衣異制秦兼天下刻滅古文隸卒屢興兵車歲勳官獄繁鷺爰創隸書自著秦文肇興八體刻符兼於大篆摹印逮於多書兩漢因之九千餘字張敞杜業講學於前楊雄甄豐校理於後魏晉以降代之名儒穿鑿多門形声轉繆結造新字附會其情古今訛舛稍益繁布書無端平之體無息增奔放之容轉相放效日滋月甚遂使後生學徒罔知所據先王載籍從此湮沉言念澆離情深憫悼思返上皇之化佇移季業之風但習俗多時良難頓改特創制一十二字率先百辟上有依於詒體下有改於新文庶保可久之基方表還淳之意昔在苞犧開木德之運軒轅應土行之序循環終始布在方冊莫不績著帝猷功宣皇道方列三微之統乃膺五行之曆雖則盛比其二強踰羸政齊桓晉文之業大彭承常之美總為霸者豈登帝錄自炎精蕩覆三風哀

思漢氏蒙塵中原離析當塗逆取但肆兵威典午專權無聞德化故三方鼎峙五胡幅裂或道乖嗣德或業匪孫謀良由敗之不樂推失之在乎虐用者也及齊梁竊據僻在江淮周魏穀興奄宅咸洛雖變夷從夏號令唯行於境內而智小謀大聲教不通於天下隋之御極陳氏猶存開皇之中終聞混一嗣主失道俄至分崩七八年間主人坻絕秦項之酷猶未之半開闢已來蓋未之有我國家祖宗積德文武重光仁風被于四表英猷冠于三代易不云乎天地之道久而不易者也仲尼曰善人為邦百年可以勝殘去煞則知聖王久於其道而天下成矣自魏至隋年將四百稱皇僭帝數十餘家莫不廢王道而立私權先詐力而後仁義勳未踰於列國德不漸於霸圖雖復時合諸侯一區區武踐祚茂列多慙於水官隋帝時雄圖不逮於秦氏惟彼二君閔位况區區者豈宜當三統之數者乎朕述聽皇綱幽求帝曲定王伯之真偽洗生人之耳目庶叶三推之美光宣五帝之次况合官布政景化惟新太初開曆上元伊始宜以發揮大寶申明曆 恢皇家正土之符繼炎劉真火之序攝之罔極垂之無窮以周漢之後為二主仍封舜禹成湯之裔為三恪所司求其苗裔即加封建其周隋宜同列國其嗣使主祭焉布告遐邇咸知朕意主者施行

改元開元元年大赦天下制

蘇頌

黃門朕聞聖人無心同於吹萬上皇有道契於明一居天下之尊者大體體其大以照臨成天下之務者至公順其公以康濟故能格昌歷考元符通于神祇格于上下鴻名不可以深拒盛典不可以固違斯豈在予而徇於物也朕以菲德丕承聖訓掃除揜搶保衛宗稷內問安以承志外聽理以推誠始自朝廷納之以軌物加於蠻貊泊之以声教令政行咏飲含齒載髮去其天札蠲其疵癘每兢於紫座寧自責於黃屋而凡我群辟碩斯兆庶以為人謀協從天意欽若王者人所歸也帝者天之號也歸之者以德號之者以功然號以功成則功不可以不表歸以德厚則德不可以不勵朕猥屬與能之運遂忘冲讓之私將速建寅之歲首甫擇建子之天統是用發擇景命受茲禮冊夫循名者責寔謀始者慮終勉而全之非敢自滿所以克己思政惟懷永圖懼弗勝荷用多慙惕赦令所作其來尚矣是則奸人之幸嘗思奔馬之喻朕但欲令其畏惡化之為善庶比屋可封豈開羅惠朕之此志每用形言自頃冬序頗愆農澤泊簡辰練日有司備禮則上天同雲北風雨雪意者將來廣慶必待湛恩宜憑着過之典以叶隨時之義可大赦天下改先天二年為開元元年自開元元年十二月

一日昧爽已前大辟罪已下已發覺未發覺已結正未結正繫囚見徒咸赦除之  
禮尚於儉書誡於奢朕方歸敦朴以存勸沮至於乘輿服御及土木之功觸  
塗樽節貴從簡省王公已下宜識此心將欲先自朕躬莫能化行海內薛伯陽以  
凶魁之子合憲嚴刑緣尚主之恩特令遠貶旋念從夫之禮深矜自我之出宜復  
舊婚再承新命可唐州別駕員外置同正員郭元振往立大功保護於朕罔因閱  
武頗失軍容責情放逐將收後効可饒州司馬員外置同正員朕聞罪不相及先  
王之制叔向豈坐於凶弟展禽見稱於哲兄劉廙不以劉偉獲幸王道不以王敦  
廢職崔滌為其兄湜構禍每進款誠事朕有年心則無隱忠邪既判賞罰宜均  
但踐儲鄒式彰臣節可太子僕員外置同正員國初以來宰相及定封功臣子  
孫一房沉翳未承恩者令所司訪擇有才用者量加擢用周朝酷吏來俊臣周興  
之徒殘害宗枝毒陷良善永言及此深所嘆恨其酷吏有身在及酷吏子孫亦令  
所司勘會甄別處分諸軍將士有年歲深久所由要籍或不得選集及未叙  
勞効或委軍將據實奏聞仍令所司早勘處分諸軍子將惣管以上自今已  
後冬正 帛一准京官例給亡命山澤挾藏軍器百日不首復罪如初敢以赦  
前事相告言者以其罪一之赦書日行五百里布告遐邇咸使聞知主者施

行開元元年十一月一日

### 改元天寶赦

古先哲王之教理也皆上順天心下稽人事時令替發生之德靈符叶紀年  
之稱考被前載斯焉大猷恭惟烈祖玄元皇帝天寶錫慶象帝之先垂裕  
後人重光五聖自朕嗣守丕業洎三十年寔賴宗祐降靈昊穹享祐万方  
無事六府惟修寰宇晏和庶臻于理然則乾元在上仁覆為德皇王臨下  
惠化攸先思弘善貸用廣茲育尊道寶而建元錫玄風於不宰况屬陽和  
布氣獻歲發生宜覃在宥之恩式降惟新之澤可大赦天下改開元三十  
年為天寶元年自天寶元年正月一日昧爽已前大辟罪已下罪無輕重  
已發覺未發覺已結正未結正繫囚見徒常赦所不原者咸赦除之諸色  
左降官并其流人經量移者亦與量移禁羸郊以遂生成自今已後每年春  
天下宜禁弋獵採捕如聞百姓之內或有戶高丁多苟為規避父母見在  
乃別籍異居宜令州縣勘會其一家之中有十丁以上者放兩丁征行賦  
役五丁已上者放一丁即令同籍共居以敦風教天下侍老八十已上者宜委  
州縣官每加存問仍量賜粟帛侍丁者令其養老孝假者矜其在喪此王

政優容俾申情禮而官吏不依令式多雜役使自今後不得更然國之急務莫若求才頃者雖屢搜揚士庶尚慮遺逸更宜精訪以副虛懷其前資及白身人中有儒學博通及文詞亨逸或有軍謀越衆或武藝絕倫者委所在長官具以名薦若乃弘我風化寔惟方岳必行其人以膺共理其京文武官五品已上清資并即官據資歷人才堪為刺史者各任封狀自舉但文宣垂訓事必正名而黃鉞古來以金為飾金飾金者應五行之數有肅殺之威去金稱黃理或未當其黃鉞宜改為金鉞副威武之義焉內外文武九品已上各賜勳兩轉前王重典在乎祭祀况屬惟新事宜昭告五岳四瀆名山大川諸靈迹及自古帝王忠臣義士並令所由州縣致祭

改天寶三年為載制

履端正名義取垂範體元設教在乎變通雖沿革從宜罔不稽古朕纘復興運恭守睿圖常恐至化猶微淳風尚薄未臻華胥之俗以登可封之人故未明求衣日昃忘食勵精為理致邕和歷觀載籍詳求前制而唐虞煥乎可述是用欽若舊典以叶惟新可改天寶三年為三載今春事將興陽和布澤發號施令之日革故履新之時宜弘

在宥之恩以助生成之化其天下見禁囚徒應禱犯死罪者宜各降一等自餘一切赦免其十惡及造偽妖妄頭首官吏犯賊并姦盜等害政既深情難容恕不在免限凡諸郡縣仍令太守縣令勸課農桑先處分太守縣令在任有增減戶口成分者所由司量為殿最自今已後太守縣令兼能勾當租庸每載加數成分者特賜一中上考如三載之內皆有成分所司錄奏超資與處分其丁戶口仍須按寔不得取虛掛之名使親隣代納受其姦弊凡在黎獻寔資存恤夫生業則流庸不歸每軫于懷深可憐憫懲諸色當番人應送資課者宜當郡縣具申尚書省勾覆如身至上處勿更抑令納資致使徃來辛苦後閏二月至六月已來其當上人中有一單貧老弱者委郡縣長官與所由評會便放營農諸軍征鎮及防人有一羸疾病者委節度揀擇放歸中外庶寮勉修職各副朕意宣布遐迩咸使知聞

改元上元赦

自古哲王恭承景命莫不執象以御宇歷時以建元必當上稽乾符下立人極者也朕承累聖之鴻緒紹大中之寶位屬故孽于紀王師

尚勞軋之心豈忘鑿寐一物失所每輒納隍之憂萬邦未寧深懷  
馭朽之懼賴上玄垂福宗廟降靈百辟卿士同心戮力方冀干戈載  
戢區宇人安常勵躬於帝圖恒取則於天道屬天人叶紀景象垂文  
爰遵革故之典將契維新之命義存更始庶有應於天心澤被無私  
宜載覃於率土可大赦天下改乾元三年為上元二年自上元二年  
閏四月十九日昧爽已前大辟罪已下已發覺未發覺已結正未結  
正繫囚見徒罪無輕重常赦所不免者咸赦除之其與逆賊元謀及  
脅從受駈使懼法來降并潛藏不出者已頓處分但能歸順捨罪除  
元惡之外一無所問其史思明必能改圖束手來款亦當洗其瑕費  
議以勲封内外文武官賜爵各有差其六軍及飛龍閑廐加賜物其  
成都靈武先從扈從逆加有差在諸軍各錄賞物陣亡將士優加褒  
贈行人家口所在賑給定禍亂者必先於武德極生靈者諒在於師  
貞周武創業克寧區夏惟師尚 寔佐興王况德有可師義當禁暴  
稽諸古昔爰崇典禮其太公望可追封武成王有司依文宣王置廟  
仍委中書門下擇古今名將同文宣王置亞聖及十哲等享祭之典

自古三王欽慎刑法蓋以法者人之命刑者國之權苟或失其科條  
固難措其手足頃或姦臣擅命中典不修造次便行哀劄何在自今  
已後其有犯極刑者宜命本司依舊三復庶平反之際人謂不寬幽  
明之間理皆為濫又書稱群望咸秩詩曰祀事孔明爰自遐代尤崇  
祀朕深惟古義必在至誠苟德之不修則神亦無據故知精誠有感  
黍稷非馨而况宋景發言固三從而不可驗漢文深誠為千載之明  
徵事可遵行理當变革有司所立秘祝之法或移於歲或移於人君  
入之心寧所忍也自今已後削去此法其中祀并禱祭祀等一切並  
停其諸應合祭祀列於恒典所用祭料一依古制務從減省以副朕  
心又車服以庸有虞盛典威儀以等周禮舊章徃屬承平多歷年所  
下至於公卿列位中外在官多以奢僭為心流弊成俗宜命所司定  
王公已下車服產業各詳古制及今式作節限聞奏自頃戎車未息  
殘孽猶虞軍吏獻功務陳首級且四海之內孰非王人豈以苟從昏  
迷陷在夷戮一朝授首懸彼藁街朕志存好生憫其駈脅其諸軍所  
獲首級除元惡之外一切不須傳送又設官分理本在安人適遷之

政務於利用物今囊瀛之內兵革未清加以時或不登物皆湧貴軍儲是急稟稍靡供冗官之流固甚勞弊其京閑司官等材堪釐務者宜命中書門下即類例量資出授外官王者設教擇賢以理廣徵嚴穴用副薪猶宜令中外五品已上文武正負官各舉賢良方正直言極諫一人武藝文才俱堪濟理者亦任狀舉其或文之詞策武非騎射但權謀可以集事材力可以臨戎方圖可取亦任通譽並限制到一月內奏畢自古明王聖帝名山大川並委州縣長吏擇日致祭義夫節婦孝子順孫旌表門閭終身勿事

去上元年号

為人上者與衆守邦自古哲王懼其滿假聰明睿哲罔不在躬文武聖神乃以為号頌予菲薄運屬經綸一旅成師復其舊物聖皇納人壽域遊意道源神器之重傳歸於朕獲守丕業若履春冰敢忘謙冲日益招損欲垂範而自我亦去華而就實其軋文大聖光天文武孝感等尊崇之稱何德以當之以欽若昊天定時成歲春秋五始義在體元惟以紀年更無潤色至于漢武飾以浮華飛王者之茂典豈永

代而為則三代受命正朔皆殊宗之王得寶大統陽生元氣之本律者黃鍾之尊制度可行叶用斯在自今已後朕号唯稱皇帝其年但号元年去上元之号其以今年十一月為天正歲首使建立建寅每月以所建為数承天陟后臨人必由革故源方合天中之道風行萬縣澤無涯欽上帝之心錫蒼生之慶可大赦天下自二年九月二十一日昧爽以前大辟罪無輕重已發覺未發覺已結正未結正見繫囚徒常赦所不免者咸赦之其十惡五逆及偽造頭首官典犯賊法定難宥故利無大小並不在免限其史朝義若能幡然改圖背逆歸罪無所問加以勳封自乾元元年已前開元已來應反逆連累赦慮度限所未該及者並宜釋放者降資與官無官者依奉本色例收叙內外官三品已上賜爵一級四品五品各加一階六品已下賜勳兩轉成都府及靈武元從普恩之外三品已上更賜爵一級四品更加一階六品已下更賜勳一轉眷及勤勞俾其悼叙每以田功在謹農事惟勤不有司存何成重穀諸州等各置司田恭軍一人令主農事每縣各置田正二人於當縣揀明閑田種者務令勸課國之大事效



祀為先貴其至誠不美多品黍稷雖設猶或非馨牲牢空多未謂能  
享今以元玄享祐至道為心將臻大和不欲多殺禮樂殊制孝節同  
歸圓丘方澤任依恒享宗廟諸祠但臨時獻熟用懷明德之馨庶合  
西隣之祭唐虞之代肇有九州王者所都文無異制其京兆府河南  
府太原府三京之號宜停其鳳翔先為西京亦宜准此所設諫曹欲  
聞諷議先副從繩之望須成削藁之重其諫官令每月一上封事指  
陳時政得失若不舉職事當別有處分其諸州別駕可依舊却置每  
除京官五品已上正員清望官及郎官御史諸州刺史皆令推薦一  
兩人以自代仍具錄行能聞奏觀其所舉以行殿最京文武官等賜  
物各有差自今已後有隱欺須勾剝者宜勾當年若事連去年亦在  
道勾其隔年者不在勾限官典隱賊在腹內不在此例其氏姓雖得  
之久遠有與俗諱及隱疾同聲者宜改與本族望所出大姓自逐穩  
便名山大川明王聖帝所在廟祠各委州縣長官虔誠致奉祭天下  
侍老先版授者更改與版授未版授者與版授鰥寡悖獨不能存立  
者委刺史縣令量加賑恤義夫節婦孝子順孫旌表門閭終身勿事

赦書有所未及者各令有司速勘會類例條件聞奏

改元永泰赦

叶五紀者建號以體元授四時者布和而順氣天心可見人欲是從  
爰立大中之道式授唯新之命朕嗣膺下武獲主多方願以薄德以  
茲艱運戎麾問罪今已十年飲至策勳雖凶渠之授首勞師績武豈  
人主之用心况乃軍後屢興干戈靡定菴、士庶斃于鋒鏑噫皇穹  
以朕為子蒼生以朕為父至德不能以被物精誠不能以動天俾我  
生靈擠於溝壑非朕之咎誰之過歟朕所以馭朽縣旌坐而待曙勞  
懷罪已之念延想安人之策亦惟群公卿士百辟庶僚咸聽朕命叶  
宣乃力履清白之道還淳素之風率是黎元歸于仁壽君臣一德何  
以尚茲邇者刑政不修惠化未洽既盡財力良多抵犯靜惟哀劾寔  
軫于懷今將大振維綱益明德勸肇舉改元之典弘敷在宥之澤可  
大赦天下改廣德三年為永泰元年自永泰元年正月一日昧爽已  
前大辟罪已下罪無輕重已發覺未發覺已結正未結正繫囚見徒  
常赦所不免者咸赦除之僕固懷恩戰伐有功訐謫任重不終

節輒肆姦凶妄誘異蕃同為不軌朕務惟責已情重舊勳如能翻然  
來歸必從寬宥其下徧禪等因被驅馳不獲已者及所在山谷草竊  
反側未安者如能束身而來一切並無所問自廣德元年已前天下  
百姓所欠負官物一切放免在官典腹內者不在免限其百姓除正  
租庸外不得更別有科率刺史縣令與朕分憂凋瘵之人切須撫字  
一夫不獲情甚納隍有能招緝逃亡平均賦稅增多戶口廣濶田疇  
清節有聞諫劾尤著者宜委所在節度觀察具名聞奏即令按覆起  
資擢授其有理無能政迹涉賊私必當重加貶奪永為殿累農政本  
也食人天也方春之首重於東作除軍興至急餘一切並停令百姓  
得專營農事且逃戶復業及浮客情愿編附者仰州縣長吏親就存  
撫特矜賦役全不濟者量貸種子務令安集孝悌力田懷才抱器遺  
逸未經薦達者各委州府聞奏親當策試量能叙用應見立仗諸軍  
將士等宜共賜錢五萬貫書稱成秩詩美懷柔仰惟衆靈念茲多祐  
其五岳四瀆名山大川宜令所管收宰精誠致祭中外寮吏各揚其  
職無或曠官克副朕意

改元大曆赦

王者欽若昊天誕受丕命莫不叶五紀而來運稽三微以體元上齊  
璿衡下立人極乃頒曆於惟歲更覃恩於率土朕嗣守洪業恭臨寶  
位頃時當寇難運屬干戈誓衆興師為又除害定賴宗 降福寰宇  
小康用興淳朴之風庶洽雍熙之化乾坤敷祐大庇生靈文武叶心  
同力王室非朕薄德而臻於此乃者金革所聚綿歷歲時賦頌繁人  
猶瘞是用疚心疾首當予興懷罪以在予馭朽而貽懼每思弘濟之  
道用極元之弊月躔星昴律中黃鍾合天正之符承日至之永祥雲  
在矚既當伯趙之司惠澤布和宜順一陽之氣建元發号革故惟新  
俾及履長之節用深行慶之典可大赦天下其永泰二年宜改為大  
曆元年自大曆元年十一月十二日昧爽已前大辟罪已下已發覺  
未發覺已結正未結正繫 見後罪無輕重常赦所不免者咸赦除  
之長吏犯賊不在免限夫從簡之道大易至言薄賦之規前王令範  
朕志遵儉約務欲息人微歛無期誠為勞弊天下百姓除正租庸及  
及軍器所須外不承正勅一切不得輒省科率國以人為本人以農

為業頃因師旅征稅殷繁編戶流離田疇荒  
永人牧宰政親人  
其刺史縣令宜以招輯戶口墾田多少用為殿最每年終本道觀察  
節度等使按覆聞奏知課績尤異當知起擢或政理無聞必寘科貶  
逃亡失業萍泛無依特加招綏使安鄉井其逃戶復業者宜給復三  
年如百姓先貨賣田宅盡者宜委州縣取逃死戶田宅量丁口充給  
仍仰縣令親至鄉村安存措置務從樂業以贍資糧王畿之間賦歛  
尤重百後供億當甚艱辛亥哉疲人良深憫念盡徹之稅著自周經  
未便於人何必行古其什一稅宜停周徵侵造漢辟賢良垂之典譽  
永代作則天下有安貧樂道孝悌力田未經薦用者委所在長官具  
以名聞朕當親自策試量才叙用其立仗將士等宜物賜五万匹五  
岳四瀆名山大川祀典攸存神理昭著宜以禮致祭

唐大詔令集卷第四

